

47 Adat nisht gut dup Mary Magdalene dish Mary ga naush Joses ga wil shgüit ga.

CHAPTER XVI.

1 Ada ltha goudish ga halishquaitk gaga, ada gutgoiduksh dup Mary Magdalene, dish Mary ga naush James ga, dish Salome, adat tkadogash ga mukmihokshit ga ash ga dumt lidalthit gish Jesus.

2 Ada shim lashoigut gish ga gunlthak gish ga kshgaugut ga sha gish ga gunötk gaga, ash gut hapsh ga üwäsh ga n'toigiat ga ash ga hi kshagwäntk gish ga giamuk ga.

3 Ada lip naga hou'unt ga, Nälth dumt in wilth giagul lauba da na lukshauga n'toigiada dä gum?

4 Ada ltha nukniiz gut ga, Gulstänä ga, ltha al wilth giagultk gish ga laup ga: ash ga wil shingul wiléksht ga.

5 Ada ltha lamzakht gish ga zum n'toigiat ga, adat nish ga wil dhäsh ga shübashum yöta gish ga nakshimyaön ga, hoyit ga maukshgum wash gaga: ada shalidukshk gut ga.

6 Ada houit gish dupniat, Gilau shukshk ga shimt: gwilthgugüel shimat Jesus a giat Nazarethit, gü näz lizagwa didä luk guzägut; ltha gik giniatk ga dit; althga wäl da gwa: ni nat wil shgü dit.

7 Ada n'dau shim pliaü na disciples ga dit dish Peter a ltha kshgaugut didä gwashim a Galileet: nini na dum shim wil nish dit, niwälda na ltha hou didä gwashim.

8 Ada dilt ga kshaukt ga adat zinsh hüitsh ga n'toigiat ga; awil lüquzildat ga ada althga lüwaulth gagaud: ada althga za gau za

houit ash ligit nä; äwil libäshit ga.

9 (Wai hi gik giniatk gut gish ga kshgaugut ga sha gish ga gunötk gaga ash ga gunlthak ga, ada kshgaugum gwinish gut gish Mary Magdalene, gü n't wil kshahüunsh ga dupkaul dit ga hadadagut ga haik ga.

10 Ada ninish ga gadoulthit ga, adat pliaüsh ga na hakshokshk gut gish niat, ash ga ashit äout gish ga baukit ga.

11 Ada lthät naknösh ga didölshit ga, ada n't nishit ga, ada althga gashimhoudikshk.

12 Ntkulän gwa ade gik lukshgiat ga wila gik gwinishk gut gish ga dupkadölt gish ga dupniat, ash ga ash hi hüwäluksht, gish gut hapsh ga gilhouli ga.

13 Ada wil gadoulthit ga adat pliaüsh ga nagazäout ga: ada gik althga shimhoudiksh dish dupniat.

14 N'tkulänt ga ada gik gwinishk gut gish ga kapault ga da gaul ash ga ash want gish ga wil tkauk gut ga, adat shagazaukt gish ga wil wha gashimhoudikshit ga dilt wil shipshaipk gish ga gagaud ga, wil wha shimhoudikshit gish ga näz in nishit gish ga ltha gik giniatk gut ga.

15 Ada houit gish dupniat, Shim gwilth haba tkäni halizogut, ada ma shim maltha Am da Malshk gut a tkäni gindit.

16 Ligat nä shimhoudiksha dit, ada baptize dit dum dimautkshk; ada ligit nä wha shimhoudiksha dit dum gwätk gut.

17 Ada gwaj shinlaiduksha dumt in yaka gashimhoudiksha dit: na wäyü dumt gunt kshahü'un hadadakä da haik gut; dum alalgiak dida shü lukshgigiadum dildäulat;

18 Dum mandoga da metkuläl dit